

Broj: 02-11-*8904*/24-*1*
Mostar, 17.05.2024. godine

Na osnovu člana 43. Statuta Grada Mostara («Gradski službeni glasnik Grada Mostara», broj: 4/2004 i «Službeni glasnik Grada Mostara», broj: 8/2009 i 15/2010) i člana 3. Odluke o načinu odabira projekta nevladinih organizacija po LOD metodologiji («Službeni glasnik Grada Mostara», broj:23/21), Gradonačelnik Grada Mostara, raspisuje:

**JAVNI POZIV NEVLADINIM ORGANIZACIJAMA
ZA PREDAJU PRIJEDLOGA PROJEKATA KOJI ĆE SE FINANSIRATI IZ
BUDŽETA GRADA MOSTARA U 2024. GODINI**

I PRIORITETNE OBLASTI I TEME

Grad Mostar (u daljem tekstu: Grad) poziva sva udruženja i fondacije, odnosno nevladine organizacije iz Bosne i Hercegovine da dostave prijedloge projekata koji su u skladu sa razvojnim ciljevima Grada Mostara iz sljedećih prioriternih oblasti:

1. MLADI

- 1.1. Podrška unapređenju položaja mladih – kroz organizovanje obuka/treninga/radionica u cilju promocije volonterizma i društveno korisnog i timskog rada;
- 1.2. Razvoj novih sadržaja za kvalitetnije provođenje slobodnog vremena (kulturni, sportski, ekološki, zabavni i drugi sadržaji za mlade);
- 1.3. Prednosti i nedostaci društvenih mreža kao i njihov uticaj na mlade i prevencija cyber i ostalih vrsta nasilja među mladima i na mlade;
- 1.4. Projekti koji podstiču kreativno stvaralaštvo mladih, kroz kulturu i umjetnost;
- 1.5. Prevencija ovisnosti među djecom i mladima, promocija zdravih stilova života reproduktivnog zdravlja;
- 1.6. Projekti koji doprinose društvenom aktivizmu mladih u ruralnim sredinama.

2. NEFORMALNO OBRAZOVANJE I EDUKACIJA

- 2.1. Rad sa djecom i mladima s ciljem razvoja talenata, podrška u razvoju savremenih tehnologija, robotike, programiranja;
- 2.2. Projekti koji uključuju osnaživanje mladih za aktivnosti vršnjačke edukacije ili solidarnosti prema mladima koji nemaju jednake uslove za lični razvoj (razvoj volonterizma u oblasti neformalnog obrazovanja);
- 2.3. Edukacija roditelja, djece i mladih o prevenciji virtualnog- cyber nasilja;
- 2.4. Prevencija ovisnosti kod djece i mladih školskog uzrasta (kocka, nargila, video igrice, virtualna ovisnost, itd);
- 2.5. Osiguravanje stručne pomoći i podrške djeci i mladima u riziku od neželjenog ponašanja, kao i unapređenje mentalnog zdravlja djece i mladih;
- 2.6. Podsticanje intelektualnih i drugih sposobnosti u skladu sa individualnim potrebama i interesovanjima djece i mladih;
- 2.7. Podrška projektima poboljšanja inkluzivnog odgoja i obrazovanja djece i mladih sa teškoćama u razvoju i važnost rane intervencije;
- 2.8. Informisanje/educiranje roditelja djece romske nacionalnosti o obavezi i potrebi uključivanja djece u odgojno obrazovni sistem.

3. DRUŠTVENA KOHEZIJA

- 3.1. Projekti koji promoviraju zdrave stilove života i doprinose podizanju svijesti o značaju brige o zdravlju;
- 3.2. Projekti koji doprinose podizanju svijesti o zaštiti potrošača;
- 3.3. Projekti koji poboljšavaju život osoba sa invaliditetom;
- 3.4. Projekti koji doprinose potpori žrtvama nasilja u obitelji;
- 3.5. Unapređenje položaja građana i građanki kroz organiziranje obuka/treninga/radionica u cilju njihovog ekonomskog osnaživanja;
- 3.6. Projekti usmjereni na poboljšanje svakodnevnice osoba treće životne dobi kroz organizaciju edukativnih događaja, radionica, druženja i sličnih aktivnosti;
- 3.7. Projekti koji doprinose potpori marginaliziranim skupinama;
- 3.8. Pružanje psihosocijalne pomoći obiteljima osoba s invaliditetom.

4. RURALNI RAZVOJ I ZAŠTITA OKOLIŠA

- 4.1. Projekti koji podstiču unapređenje znanja i vještina mladih na tržištu rada;
- 4.2. Projekti koji rade na unapređenju sposobnosti mladih za istraživanje, razvoj i inovacije;
- 4.3. Projekti koji podstiču unapređenje znanja i vještina stanovništva u ruralnim sredinama sa posebnim akcentom na poljoprivredu;
- 4.4. Projekti koji rade na podizanju svijesti i očuvanju i životne sredine.

II VISINA SREDSTAVA KOJA SE DODJELJUJE PO PROJEKTU

Sredstva za odobrene projekte iz utvrđenih prioritetnih oblasti trebaju iznositi od 5.000,00 KM do 15.000,00 KM po projektu.

Sveukupna planirana sredstava za Javni poziv planirana Budžetom Grada Mostara za 2024. godinu iznose 100.000,00 KM.

Grad zadržava pravo da se ne dodijele sva raspoloživa finansijska sredstva u slučaju da projektni prijedlozi ne zadovoljavaju zadane kriterije.

III UČESNICI JAVNOG POZIVA

Učešće u ovom javnom pozivu je otvoreno, na jednakim osnovama, za sva formalno registrovana udruženja i fondacije, u skladu sa važećim zakonskim propisima u Bosni i Hercegovini, a u čijim organima upravljanja nisu zastupljeni uposlenici Grada Mostara, zatim vijećnici i članovi radnih tijela Gradskog vijeća Grada Mostara, koji učestvuju u proceduri provođenja Javnog poziva (člana 12. Zakona o sukobu interesa u organima vlasti u Federaciji BiH, „Službene novine Federacije BiH“, broj 70/08).

Sva zainteresovana udruženja i fondacije/nevladine organizacije detaljne informacije o uslovima za prijavu i kriterijima za finansiranje projekata mogu pronaći u **Smjernicama za podnosiocce prijedloga projekta u okviru Javnog poziva namijenjenog za nevladine organizacije koja će se finansirati iz Budžeta Grada Mostara u 2024. godini.**

IV PERIOD REALIZACIJE PROJEKATA

Dužina trajanje svakog projekta može biti minimalno tri do maksimalno šest mjeseci u periodu od **početka septembra 2024. do kraja februara 2025. godine**. Izabrani projekti trebaju da se provedu do kraja februara 2025. godine. Potpisivanje Ugovora sa odabranim aplikantima očekuje se krajem mjeseca jula 2024. godine, te će aplikanti u skladu sa tim i planirati početak realizacije svojih projekata.

Projekti koji su dobili finansijsku podršku Grada trebaju se realizovati u skladu sa dostavljenim prijedlogom projekta i **LOD- metodologijom**.

Neće se finansirati aktivnosti odobrenog projekta koje su finansirane i provedene prije zaključivanja ugovora.

V LOKACIJA

Projekat mora biti implementiran na području Grada Mostara i za stanovnike grada Mostara.

VI BROJ PROJEKATA KOJE JEDAN PODNOSILAC PRIJAVE MOŽE PREDATI

Podnosilac prijave može predati više od jednog projektnog prijedloga sa odvojenim prijavnim formularima i dokumentacijom za svakog od njih, a finansirat će se samo jedan uspješno ocijenjen i odabran projekat.

VII PREUZIMANJE DOKUMENTACIJE

Dokumentacija za prijavu na Javni poziv, može se preuzeti sa službene web stranice Grada: www.mostar.ba.

VIII EDUKACIJA O NAČINU PRIJAVLJIVANJA NA JAVNI POZIV

Informativni sastanak sa zainteresovanim nevladnim organizacijama „**Otvoreni dan**“ će biti održan **30. maja 2024. godine** u periodu od 10:00 do 11:00 sati **u prostorijama Grada Mostara, Ulica Kralja Tvrtka bb, (Đački dom) Grad Mostar**.

Potencijalni podnosioci prijave će tokom sastanka biti detaljnije upoznati sa pozivom, načinom prijavljivanja, kriterijima, itd.

Za zainteresovane predstavnike udruženja i fondacija – nevladine organizacije planirane su mentorske sesije koji će biti organizovane u sklopu javnog poziva u slijedećim terminima:

1. **04.06.2024. godine u periodu od 10:00 do 11:00 sati**
2. **11.06..2024. godine u periodu od 10:00 do 11:00 sati i**
3. **19.06.2024.godineu periodu od 10:00 do 11:00 sati u prostorijama Grada Mostara, Ulica Kralja Tvrtka bb, (Đački dom) Grad Mostar. Od predstavnika nevladinih organizacija se očekuje da na mentorske sastanke dolaze sa pripremljenim nacrtima obveznih dokumenata po javnom pozivu.**

Prijave za učešće na Otvorenom danu i planirane termine za Treninge su otvorene za udruženja i fondacija – nevladine organizacije, koje se trebaju dostaviti dva dana ranije od dana održavanja istih, putem email adrese: mladi.nvo@mostar.ba.

Sva pitanja u vezi sa javnim pozivom se mogu postaviti putem e-mail adrese mladi.nvo@mostar.ba sa naznakom za Javni poziv do **19. juna 2024. godine**. Odgovori na upite će biti dostavljeni unutar do tri radna dana od primanja upita.

IX PREDAJA APLIKACIJA

Ispunjena aplikacija (sa kompletnom zahtijevanom dokumentacijom) mora se dostaviti u dva (2) primjerka: u jednoj štampanoj formi i u jednoj elektronskoj kopiji USB u zatvorenoj koverti sa naznakom:

„ za Javni poziv nevladinim organizacijama za predaju prijedloga projekata koji će se finansirati iz budžeta Grada Mostara u 2024. godini“

preporučenom poštom ili na **Protokol Grada Mostara** tokom radnih dana (ponedjeljak-petak u periodu od 8:00-13:00), na sljedeću adresu:

Grad Mostar
Adema Buća br. 19
88 000 Mostar
Bosna i Hercegovina

Vanjska strana koverta mora sadržavati: naziv poziva za predaju prijedloga projekata, puno ime i adresu aplikanta, puni naziv projekta i navod **“Ne otvarati prije zvaničnog otvaranja”**.

X ROK ZA PREDAJU

Javni poziv će biti objavljen u sredstvima dnevnog informiranja i na web stranici Grada Mostara www.mostar.ba.

Rok za predaju aplikacija/prijava je **28 dana** od dana objavljivanja u sredstvima javnog informisanja, odnosno do **21.06.2024.** godine.

Aplikacije dostavljene nakon navedenog roka bit će razmatrane jedino u slučaju da poštanski pečatu kazuje na datum slanja prije zvaničnog isteka roka.

O primljenoj pošiljci u Gradu će se voditi uredna evidencija.

XI NAČIN OCJENJIVANJA PROJEKATNIH PRIJEDLOGA

Ocjenjivanje će izvršiti Komisija za ocjenjivanje i odabir projekata, koju će imenovati Gradonačelnik Grada. Rezultati po Javnom pozivu će biti objavljeni na web stranici Grada (www.mostar.ba), najkasnije **mjesec** dana od dana zatvaranja Javnog poziva.

Set dokumenata potrebnih za Javni poziv možete preuzeti na sljedećim linkovima:

1. PROJEKATNI PRIJEDLOG
2. PREGLED BUDŽETA
3. NARATIVNI BUDŽET
4. MATRICA LOGIČKOG OKVIRA
5. PLAN AKTIVNOSTI I PROMOCIJA
6. ADMINISTRATIVNI PODACI O APLIKANTU
7. FINANSIJSKA IDENTIFIKACIONA FORMA
8. IZJAVA O PODOBNOSTI
9. IZJAVA O PARTNERSTVU
10. LISTA ZA PROVJERU
11. SMJERNICE ZA APLIKANTE
12. CILJEVI ODRŽIVOG RAZVOJA

Dostaviti:

- Sekretarijatu/Tajništvu Gradonačelnika – za objavu u novinama i web stranici Grada Mostara
- Odjelu za organizaciju, pravne poslove, opću upravu i civilnu zaštitu i vatrogastvo,
- Odjelu za društvene djelatnosti.

